

Акафист Пресвятей Богородице иконы Ея ради, Жировицкая  
именуемая.

Кондак 1

Избранней от всех родов Царице и Владычице похвальные песни принесем, яко ходатаице и заступнице рода христианскаго, Ты же, яко благая представительница пред Господем, умоли Сына Твоего и Бога нашего даровати нам наследие благ вечных, да радуящиеся о Тебе зываем: Радуйся, Премилосердая Владычице, представительство наше и всерадостное заступление.

Икос 1

Архангел Гавриил, с небесе посланный к Тебе, Дево чистая, веща Ти: Радуйся, Благодатная, Господь с Тобою! Мы же, благодатию Божию чрез Тебе озареннии, восхваляем Тя песнями сицевыми:

Радуйся, прежде веков Советом Божиим предызбранная;  
радуйся, Агнице, Агнца Божия рождающая.

Радуйся, сокровищнице спасения нашего, превышшая сил Ангельских;

радуйся, Отроковице пренепорочная и Матерь Света.

Радуйся, горю несекомая, источник воды живыя источившая;

радуйся, раю цветосный, Божественное Древо жизни произрастившая.

Радуйся, Богообрадованная Мати, радость Небу и земли рождающая;

радуйся, силою Всевышняго осененная, Божественный Клас прозябшая.

Радуйся, Премилосердая Владычице, представительство наше и всерадостное заступление.

Кондак 2

Видящи верная чада Твоя, в бедах житейских унывающая и помощи Небесных от Тебе требующая, Ты, Богомати, надеждо христианом, чудесным явлением близ веси Жировицкия святых икон Твоея исполнила еси радости и веселия сердца всех в скорби припадающих к Тебе, да благодарственно вопиют о Тебе Богу: Аллилуиа.

Икос 2

Разумом не уразумев тайны чудеснаго явления на древе иконы Твоея, Пречистая Владычице, скры болярин Солтан в ковчезце явленный Тобою образ. Ты же, Дево Богородице, сугубым явлением на

том же дрéве ико́ны сея́ вразуми́ла еси́ егó, да вси позна́ют дар милосéрдия, лю́дем Тобо́ю низпосыла́емый, и в весéлии возопи́ют:

Ра́дуйся, кла́дезю живы́й неисчерпа́емая ра́дости;  
ра́дуйся, цвéте благоухáнный неизречéнные слáдости.  
Ра́дуйся, явлéнием ико́ны Твоея́ на дрéве нас крéпко огражда́ющая;  
ра́дуйся, благода́тию от нея́, áки от дрéва жízни, нас сладкопита́ющая.

Ра́дуйся, мило́сти заблúждших не лишáющая;  
ра́дуйся, покрóвом Твои́м всех осеня́ющая.  
Ра́дуйся, гласу́ молéния скорб́ящих послу́шная;  
ра́дуйся, Мáти милосéрдия неоскúднаго.

Ра́дуйся, Премилосéрдая Влады́чице, предста́тельство нáше и всера́достное заступлéние.

### Кондак 3

Си́лою вразумлéния о явлéнии чудотвóрных ико́ны Твоея́ просвещéнный, позна́ боля́рин Со́лтан, я́ко ико́на сия́ стра́ждущим во утешéние Тобо́ю свы́ше низпóслана бысть, и, слéзно сокрушáяся о неразу́мии своéм, воздв́иже храм на мéсте явлéния ея́, да вси лю́дие, Бо́гу возда́ют непрестáнную о Тебé хвалу́: Аллилу́иа.

### Икос 3

Иму́щи богáтство милосéрдия неизречéнное, не отрину́ла еси́ промы́слением избрáнных Твои́х, в скóрби вéлией сýщих. Егда́ бо храм, идéже бе ико́на Твоя́ пречестна́я, огнём попалён бысть, Ты, Всеблагáя утешительнице, сохрани́ла еси́ óбраз Твой от огня́ невреждён, па́ки яви́ла еси́ на кáмени близ хра́ма огнём сожжéннаго. Лю́дие же, узрéвше таково́е чúдо, воспéша Ти хвалéбную песнь сицеву́ю:

Ра́дуйся, Купино́ неопали́мая, во огни́ пречестны́й Свой óбраз сохрáншая;

ра́дуйся, скóрбныя лю́ди Твоя́ чудотвóрных ико́ны не лиш́ившая.  
Ра́дуйся, кро́вом крилу́ Твоею́ христиáн покрывáющая;  
ра́дуйся, предста́тельством Твои́м святы́ни охраня́ющая.  
Ра́дуйся, на кáмени пречестны́й Твой óбраз па́ки яви́вшая;  
ра́дуйся, вразумлéнием Твои́м на кáмени véры стопы́ нáша утверди́вшая.

Ра́дуйся, я́ко стéну неруши́мую Тебé стяжа́хом;  
ра́дуйся, я́ко благомо́щную покровительницу́ Тя позна́хом.

Ра́дуйся, Премилосе́рдая Влады́чице, предста́тельство на́ше и всера́достное заступле́ние.

#### Кондак 4

Бу́рею страсте́й и искуше́ний одержи́мии ве́рнии Твои́, моля́щися пред чудотво́рною ико́ною Твое́ю, поко́й и душе́вную ра́дость обрета́ют. Ты бо, Де́во чи́стая, христиа́н путево́дительнице, му́дро и пра́во путь жити́я шествовати наставля́еши, да вси богокра́сною пе́снию восхваля́ют Бо́га, пою́ще: Аллилу́иа.

#### Икос 4

Слы́шавше лю́дие, я́ко явле́нная Тобо́ю ико́на да́ром чудес преизбы́точествуе́т, с ве́рою и упова́нием на милосе́рдие Твое́ к ней притека́ют и, бога́тством щедро́т Твои́х обогати́вшись, воспева́ют Ти хвалу́ такую́ю:

Ра́дуйся, мо́ре щедро́т христиа́ном излива́ющая;  
ра́дуйся, ра́дость все́му ми́ру принося́щая.  
Ра́дуйся, свяще́нное прибе́жище ве́рных;  
ра́дуйся, пода́тельница благ ве́чных.  
Ра́дуйся, услади́тельница го́рестей на́ших;  
ра́дуйся, кре́пкое воста́ние па́дших.  
Ра́дуйся, изнемога́ющих засту́пнице и укрепле́ние;  
ра́дуйся, в страда́ниях на́ших присное утеше́ние.

Ра́дуйся, Премилосе́рдая Влады́чице, предста́тельство на́ше и всера́достное заступле́ние.

#### Кондак 5

Боготе́чной звездé, с восто́ка возсия́вшей, подо́бна бы́ла еси́, Пресвята́я Де́во, егда́ в лучеза́рном сия́нии а́ки Жена́ красото́й неизрече́нная яви́лася еси́ дете́м, указу́ющи ме́сто явле́ния пречестны́я ико́ны Твоея́, чуде́сно Тобо́ю от огня́ сохране́нная. Не лиши́ла еси́ и ма́лых сих Твоея́ благосты́ни, поуча́ющи их о вели́чем милосе́рдии Твое́м, да, подража́юще дете́м израи́левым, восклица́вшим Христу́: «Оса́нна», – воспою́т хвалу́ Бо́гу: Аллилу́иа.

#### Икос 5

Ви́деша вси страна́ное и пресла́вное чу́до, ико́ною Твое́ю явля́емое, Пречи́стая: деви́ца не́кая Ири́на, боле́знию подвигши́ся к поклонéнию святы́не Твое́й, на пути́ у́мре, и егда́ ино́цы нача́ша сверша́ти отпева́ние ея́ пред ико́ною Твое́ю, дивно́ воскресе́, и вси лю́дие со трéпетом восклица́ху:

Ра́дуйся, Сло́во жи́зни плóтию роди́вшая;  
ра́дуйся, ме́ртвую рабу́ Твою́ воскреси́вшая.  
Ра́дуйся, ковче́же жи́зни на́шей, от пото́па сме́ртнаго нас сохра́няй;  
ра́дуйся, ра́зуме пресве́тлый, жи́зни ве́чныя познáние нам да́руй.  
Ра́дуйся, ико́ною Твое́ю исто́чники чудес ве́лиих нам явля́ющая;  
ра́дуйся, тьму лю́тых обстоя́ний от почита́ющих ю́ отгоня́ющая.  
Ра́дуйся, зна́менми непости́жими моля́щихся Ти ободря́ющая;  
ра́дуйся, ма́терними щедро́тами всех прибега́ющих к Тебе́  
посеща́ющая.

Ра́дуйся, Преми́лосе́рдая Влады́чице, предста́тельство на́ше и  
всера́достное заступле́ние.

### Кондак 6

Пропове́дницы благости́ни Твоея́ яви́шася вси притека́ющии к  
цельбоно́сней ико́не Твоей, Влады́чице. Не отрину́ла бо еси́ никогóже,  
в те́плой моли́тве ру́це свой к ней простира́ющая, да позна́вшии си́лу  
да́ра чудеснаго Бо́гу благодарственную песнь возопи́ют: Аллилу́иа.

### Икос 6

Воссия́вшая луча́ светоза́рная яви́ся всечестна́я оби́тель  
Жи́рковицкая, под кро́вом святы́ни Твоея́, Богома́ти, воздвигну́тая и  
пу́ть жити́я благона́внаго озаря́ющая. Сей бо дом по́двигов ино́ческих  
и учи́лище божество́ннаго разумéния освети́ зéмлю на́шу луча́ми  
исти́ннаго боговéдения, да вси Тебе́, о До́ме Прему́дрости  
седмисто́лпный, та́ко воспо́ют в пeснех достохвáльных:

Ра́дуйся, зарé Со́лнца незаходи́мага;  
ра́дуйся, Богороди́тельнице Свeта непости́жимаго.  
Ра́дуйся, ле́ствице, к небеси́ возводя́щая;  
ра́дуйся, немудрых ра́зумом божество́нным умудря́ющая.  
Ра́дуйся, учи́лищ благочéстия в стране́ на́шей насадите́льнице;  
ра́дуйся, в познáнии за́поведей Христо́вых премудра́я  
руководи́тельнице.

Ра́дуйся, ду́ши ве́рных благода́тно насыща́ющая;  
ра́дуйся, ве́рныя млеко́м премудрости пита́ющая.

Ра́дуйся, Преми́лосе́рдая Влады́чице, предста́тельство на́ше и  
всера́достное заступле́ние.

### Кондак 7

Хотя́ще возда́ти поклонéние ико́не Твоей, мно́гими чудесы́  
просия́вшей, посеща́ху оби́тель Жи́рковицкую не то́кмо худоро́днии, но

и царие зѣмсти, припадающе к пречистому Твоему образу, Владычице, и, чающе от Тебѣ великия и богатыя милости, приношаху Ти песнь хвалѣбную и Бѳгови воспѣваху: Аллилуиа.

### Икос 7

Дивное воистину промышление явила еси, Владычице, верным Твоим; егда бо обитель Жировицкая лѣстию и насилием от Православия отторжена бысть, заступлением Твоим паки возвратися людем православным. Сего ради вси правыя веры поклонницы притекоша к пречистому образу Твоему, и с веселием воспѣша:

Радуйся, в скорбных обстояниях надежное прибежище;

радуйся, ищущим спасения тихое пристанище.

Радуйся, со апостолы веры Христовы насадительнице;

радуйся, глубине слова Божия премудрая учительнице.

Радуйся, светильнице Трисолнечнаго Света, истиною нас озаряя;

радуйся, столпе огненный, путь правыя веры нам показуя.

Радуйся, от пагубных учений наше охранение;

радуйся, душевредных учений посрамление.

Радуйся, Премилосердая Владычице, предстательство наше и всерадостное заступление.

### Кондак 8

Странная и преславная чудеса познаша о Тебѣ, Богомати, вернии Твои, яко не токмо иконою Твоею благодать им являеши, но и водам источника, на месте явления проистекшаго, дар недуги исцеляти подаеши, да вси, великую и богатую милость от Тебѣ восприимше, воспоят хвалѣбную песнь Бѳгови: Аллилуиа.

### Икос 8

Вси, к покрову Твоему прибегающии, скорое услѣшание и теплое заступление обретают: Ты бо, Богомати, скорби матерния при Крестѣ Сына Твоего восприимшая, веси тяготу скорбей наших. Темже к Тебѣ, Мати, в скорби искушенной, яко общницы скорби и страданий Сына Твоего, тако взываем:

Радуйся, ненадежных надеяние;

радуйся, скорбных утешение.

Радуйся, печали наша утѣляющая;

радуйся, всему миру радость дарующая.

Радуйся, в бедах сущим руку помощи скоро подающая;

радуйся, матернюю любовь и милосердие нам являющая.

Ра́дуйся, пред Бо́гом на́ша моли́твеннице и засту́пнице;  
ра́дуйся, в напáстех превели́кая зашýтнице.

Ра́дуйся, Премилосéрдая Влады́чице, предста́тельство на́ше и  
всерáдостное заступле́ние.

### Кондак 9

Вся А́нгельская во́инства Тебе́, Богома́ти, я́ко вы́шшую Небе́с и  
чи́стшую све́тлостей со́лнечных, ублажа́ют: Бо́га бо зачала́ еси́ плóтию  
и Све́та све́тов родила́ еси́. Те́мже и мы, земноро́днии, я́ко честне́йшую  
Херувим и сла́внейшую без сравне́ния Серафим, велича́юще Тя, вопие́м  
о Тебе́ Бо́гови: Аллилу́иа.

### Икос 9

Ветийство всякое земноро́дных не довлéет к прославлéнию ико́ны,  
Тобо́ю явлéнные, от нея́же, я́ко от приснотеку́щаго исто́чника,  
прибега́ющи обилие благ почерпа́ют. Те́мже, недоумева́юще  
восхвали́ти Тя по досто́йнию, я́ко первоисто́чник благ сих, со  
умилéнием се́рдца зыва́ем си́це:

Ра́дуйся, домостроительнице на́шего спасéния, житиé на́ше до́бре  
устрóяющая;

ра́дуйся, путево́дительнице, к Небе́сному Оте́честву нас  
возво́дящая.

Ра́дуйся, благих вино́вная, грéшники благ вéчных не лишáющая;

ра́дуйся, предста́тельнице на́ша пред Бо́гом, пра́ведный гнев Бо́жий  
на мило́сть претворя́ющая.

Ра́дуйся, сýетная ми́ра сегó презира́ти нас науча́ющая;

ра́дуйся, к любви́ божéственной нас привлека́ющая.

Ра́дуйся, от всех бед ско́рое избавле́ние;

ра́дуйся, отча́янных наде́жное спасéние.

Ра́дуйся, Премилосéрдая Влады́чице, предста́тельство на́ше и  
всерáдостное заступле́ние.

### Кондак 10

Спастис́я хотя́щим нам и под кров Твой прибега́ющим, буди,  
Пресвята́я Де́во, помо́щница неоску́дная. Сохрани́ нас от бед и  
напáстей, наипáче же от падéния грехо́внаго и отча́яния, да,  
преуспева́юще в добродéтелях Христо́вых, с ра́достью о предивнем  
Твоём заступле́нии благодарственнó возопие́м: Аллилу́иа.

### Икос 10

Стенá крѣпкая Цѣркви Правослáвней была еси́, Пресвятáя Дѣво, во дни тяжких испытáний ея́; тѣмже мóлим Тя: заступí, покрый и соблюди́ ю́ и во вся дни от враг злокóзненных, возстаю́щих на ню, да вси радóстно о Тебѣ возопиѣм:

Рáдуйся, Цѣркви Христóвы ограждѣние и Правослáвия побóрнице; радóйся, я́ко заступлѣнием Твои́м Цѣрковь Христóва свѣтло красúется.

Рáдуйся, я́ко отступни́цы вѣры отѣческа́я Тобо́ю вразумляю́тся; радóйся, я́ко Тобо́ю кóзни врагóв Правослáвия посрамляю́тся.

Рáдуйся, я́ко вразумлѣнием Твои́м истинная вѣра в странѣ на́шей насажда́ется;

радóйся, я́ко распыха́ющаяся на ню злóба вра́жия утиша́ется.

Рáдуйся, твѣрдое Правослáвия укреплѣние;

радóйся, еретичеству́ющих посрамлѣние.

Рáдуйся, Премилосѣрдая Влады́чице, предста́тельство на́ше и всерадóстное заступлѣние.

### Кондак 11

Пѣние сладча́йшее не довлѣет восхвалíти по достоя́нию щедрóты Тво́я, Пречы́стая, несть бо рáзума, могу́ща познáти глубинú милосѣрдия Твоегó, ниже́ слóва, достóйно воспѣва́ющая Тя. Обáче, блага́я сущи́, приими́ и на́ша убóгая хвалѣния, да и мы, вели́чие Твое́ прославля́юще, воспоѣм о Тебѣ песнь Бóгу: Аллилу́иа.

### Икос 11

Светозáрными лучáми, пречы́стому óбразу Твоему́ присущими, озари́, Влады́чице, путь жити́я на́шего прискóрбный, да вси от бед и лю́тых напáстей Тобо́ю избáвляемии, возмо́жем прáво ходíти в закóне Господни, благодаря́ще Тя и пою́ще сй́це:

Рáдуйся, чудесы́ Твоими́, я́ко омофóром, нас покрывáющая;

радóйся, безчísленные щедрóты всем подавáющая.

Рáдуйся, стра́сти на́ша и по́мыслы утиша́ющая;

радóйся, болѣзни телѣсныя и душѣвныя исцеля́ющая.

Рáдуйся, Твои́м ходáтайством от всех бед избавля́ющая;

радóйся, от скóрби и печáли скóро нас изымáющая.

Рáдуйся, вдов заступлѣние и сýрых призрѣние;

радóйся, ю́ных исправлѣние и стáрцев утешѣние.

Рáдуйся, Премилосѣрдая Влады́чице, предста́тельство на́ше и всерадóстное заступлѣние.

## Кондак 12

Благода́ть с небесе́ от Бо́га испроси́ нам, Влады́чице, к пречи́стому образу́ Твоему́ притека́ющим и Тебе́, Ма́терь Све́та, в пёснях велича́ющим, да, осеняеми покрóвом Твои́м, во вся́ком благоче́стии и чистоте́ поживе́м и Престо́лу Царя́ Сла́вы неосужде́нно предста́нем, пою́ще о Тебе́ хвалёбную песнь: Аллилу́иа.

## Икос 12

Пою́ще вели́чия Твоя́, Пресвята́я Де́во, восхваля́ем Тя вси и, я́ко твёрдую предста́тельница спасе́ния на́шего, усёрдно мо́лим: бу́ди нам во вся́ком де́ле бла́зе помо́щница и услы́ши нас, уми́льно взыва́ющих Ти:

Ра́дуйся, пра́ваго пу́ти ко Христу́ премúдрая указáтельница;  
ра́дуйся, чистоты́ и целомúдрия предивная охранительнице.  
Ра́дуйся, а́лчущих и жа́ждущих пра́вды пита́тельница;  
ра́дуйся, и́щущим предста́тельства Твоего́ неусы́пная засту́пнице.  
Ра́дуйся, изнемога́ющим помо́жение;  
ра́дуйся, все́му ми́ру защи́ение.  
Ра́дуйся, на всех путéх жи́зни нас огражда́ющая;  
ра́дуйся, при исхо́де на́шем от духо́в зло́бы защища́ющая.

Ра́дуйся, Премилосе́рдая Влады́чице, предста́тельство на́ше и всера́достное заступле́ние.

## Кондак 13

О́, Пресвята́я Влады́чице, Де́во Богоро́дице, А́нгельскими чи́нми на небеси́ песносло́вимая, приими́ и от нас, недосто́йных раб Твои́х, сие́ ма́лое молéние, в похвалу́ Тебе́ приносимое, и, от падéний грехо́вных избавля́ющи, наследники ны́ Ца́рствия Небе́снаго соде́лай, да с Тобо́ю во ве́ки поём Бо́гу: Аллилу́иа.

## Молитва

О́, Премилосе́рдая Госпоже́, Де́во Богоро́дице! Кии́ма устна́ма прикосну́ся ко святы́ни Твое́й или́ кии́ми словесы́ испове́м щедрóты Твоя́, лю́дем являе́мая; никто́же бо, притека́яй к Тебе́, отхо́дит тощ и не услы́шан. От ю́ности моея́ взыска́х по́мощи и заступле́ния Твоего́ и нико́лиже лишён бых милосе́рдия Твоего́. Зри́ши, Госпоже́, ско́рби се́рдца моего́ и я́звы ду́ши моея́ ве́си. И ны́не, коленопреклонённо предста́ю пред пречи́стым Твои́м обра́зом, молéния моя́ приношу́ Ти. Не лиш́и мя все́ильнаго ходáтайства Твоего́ в день ско́рби моея́ и в день печа́ли моея́ заступ́и мя. То́ка слез мои́х не отврати́ся, Влады́чице,



и радости моё сердце исполни. Прибежище и предстательство буди мне, Милостивая, и света Твоего зарями ум мой просвети. И не только о себе молю Тя, но и о людех, притекающих к заступлению Твоему. Церковь Сына Твоего во благодати соблюди и огради ю от злокозненных наветов враг, возстающих на ню. Архипастырем нашим последи помощь Твою во апостольстве и сохрани их здравы, долгоденствующие, право правящи слово истины Господни. Пастырем испроси у Бога Сына Твоего ревность и бдение о душах врученного им стада словеснаго, дух разума и благочестия, чистоты и правды божественныя им низпосли. Испроси такожде, Владычице, у Господа властем предержащим и градоправителем мудрость и силу, судиям правду и нелицеприятие, всем же притекающим к Тебе дух целомудрия, смиренномудрия, терпения и любви. Еще же молю Тя, Премилосердая, осени страну нашу кровом Твоея благодати и избави ю от бедствий стихийных, нашествия иноплемеников и междоусобных нестроений, да вси, живущии в ней, в любви и мире пребывающе, тихое и безмятежное житие проживут и, благ вечных молитвами Твоими сподобившися, возмогут купно с Тобою и всеми святыми восхваляти Бога на небеси во веки. **Аминь.**

#### Молитва ина.

О, Всепетая и Преподобная Дево, Мати Христа Бога нашего, прими моления нас Тебе прославляющих, Тебе благодарения приносящих и почитающих честную икону сию, от лет древних в веси Жировицстей явленную. Не тайм благодеяния Твоя, Богородице, и паки исповедуем, яко сия икона Твоею благодатною силою всем, с верою приходящим к ней, источает неоскудныя милости: просвещает сердца благочестием, укрепляет силы ослабленныя и исцеляет немощи душевныя и телесныя. О, Всепетая Царице Небесная, прими благодарственное пение и никогдаже лиш нас Твоего Небесного покрова и заступления — вся бо может молитва Матери к Милосердному Божественному Сыну, о сем бо великом заступлении возвещает нам сия малая икона, яко безценное сокровище, на сем месте обретенное. Благодатная Мати Божия, Ты, и в огни образ сей сохраняющая, паки даруеши его в залог Твоея близости к нам и всегдашняго заступления. О, Пречистая Владычице, умягчи сердца наша, окамененныя грехом, да, оживше благодатными Твоими молитвами, исполним Божественныя заповеди Сына Твоего, Господа

нашего Иисуса Христа, и тако достигнем нескончаемаго дне Царствия  
Божия, внеже и звани есмы со всеми святыми. **Аминь.**